

МЕСЯЦА АПРЕЛЯ В 22-Й ДЕНЬ

СВЯТЫЯ БЛАЖЕННЫЯ ЕКАТЕРИНЫ ПЮХТИЦКΙΑ,

Христа ради юродивыя

НА ВЕЛИЦЕЙ ВЕЧЕРНИ

Блажен муж: 1-й антифон.

На Господи возвах: стихирь праздника 3 и святыя 5

Аще кроме праздника, стихирь святыя на 8, глас 2:

Подобен: Егда от Древа:

**Небесному Жениху на земли ревнующи, / блаженная
Екатерино богомудрая, / в чертозах Его ныне веселишися
светло, / обители Пюхтицкия украшение и всея земли
Эстонския похвало, / священнои же рацей мощей твоих / и
благодатию с нами пребываеши, / любовьию празднующими
святую память твою / темже зовем: испроси нам у Христа
Бога // мир и велию милость.**

**Житие возлюбивши безмолвное, / в скит пустынный
Гефсиманский преселилася еси, / идеже усердно
подвизавшись, / яко безплотная во плоти пожилася еси, /
ветхаго человека совлекшись, во Христа облелася еси, /
Екатерино, досточудная; // Егоже моли во еже просветити
души наша.**

**Заветом богомудрая старицы Елены внимаючи, / любве
ради ко Христу многия подвиги подъяла еси: / бдение и тела
изнурение, / молитву непрестанную, и пощение изрядное; /
сего ради инокинь наставница / и недугов целительница
явилася еси; / и по преставлении твоём подаеши врачество
безмездное, / притекающим с верою к раце мощей твоих, //
Екатерино достохвальная.**

Їны стихіры, глас 8:

Подобен: О, преславнога чудесэ:

Блажэнная Екатеріно досточудная, / по імени твоему и житіе твоё: / сёрдцем бо всегда чістою бѣти возжелѣвши, / Единому Царю всѣх, Христу послужила еси, / ныне же Престолу Божію с ліки праведных предстоиши, / с ними же, непрестанно молися // во еже спастися душам нашим.

Богоугодным житіем укрепляющися, / страсти плотскія от души отгнала еси, / и разум житейскій в юродстве отвергши, / вся прилоги вражія победила еси, / Екатеріно богоблажэнная; / сего ради и Христос тя прият яко жертву благоуханную, / видяй твоя благія труды, чудесы многими тя обогати, / Егоже непрестанно моли // о всех, любовьию почитающих память твою.

Блажэнная матери, / основание положивши добродетели, / Христа единого, над всеми сущаго Бога, / всем сёрдцем возлюбила еси, / и Тому невозвратным желанием последовавши, / к божественной жизни представилася еси; / темже молим тя, Екатеріно всеблажэнная, // сподоби и ны Царства Небеснаго наследники бѣти.

Все желание твоё духовное / от юности ко Господу вознесла еси, / тесным путём на земли шествовавши, / в широту пути вѣчнаго достигла еси, / в Небесное жилище вселение себе уготовавши, / Екатеріно богомудрая. / Сего ради яко причастницу невечерня благодати, // достойно ты вси ублажаем.

Слава, глас 6:

Днесь благочестно восхвалим / псалмы и пѣснями духовными / святое и честное преставление блаженныя, глаголюще: / радуйся, матери Екатеріно, / постников

украшение, источник чудес, / к Богу молитвеннице
непосыдная, / в бедах и напастех нам великое утешение, / и
теплая представительнице о всех нас; / со дерзновением убо
ныне предстоящи Христу Воскресшему, / моли Его о иже
верою и любовью, // почитающих святую память твою.

И ныне, праздника, или Богородичен:

Кто Тебе не убожит:

Вход. Прокимен дне.

И чтения три преподобническа.

На литий стихиры, глас 4:

**Приидите, верных множества, / прославим Екатерину
блаженную, / на небеси бо водворившия с лики
ангельскими, / со пророки и апостолы ликовствует, / со
святыми мученики веселятся, / с преподобными и
праведными прославляется, / честныя же мощи ея, источают
исцеления / всем с верою притекающим, / темже к ней
возопийм: матери всеблаженная, / буди теплая
представительнице у Престола Божия, // о чтущих любовью
память твою.**

**Инокниже множество и вси вернии, сошедшеся ныне / в
праздник святых памяти блаженныя / прославим песнями и
пением духовными / благомощное представительство и
преславныя подвиги ея: / не дала бо есть сна очима своим, /
душу и тело от страстей свободивши, / себе уготовала есть в
Небесное жилище // идеже присно со Христом пребываеши.**

Слава, глас 5:

**На земли для Неба поживши, / от земных к Небесным
обителем, представилася еси, / святая матери Екатерино, / и**

святых части тамо сподобилася еси, / с нимиже молися
непрестанно // спастися душам нашим.

И ныне, праздника, или Богородичен, глас тойже:

Свеще неугасимая, / Престоле Господень, / Пречистая,
Владычице, // моли спастися душам нашим.

На стиховне стихиры, глас 6:

Подобен: Триденевен:

Богомудрая Екатерино Пюхтицкая, / претерпела еси за
Христа зной и мраз, / ночных бдений изнурение, / и алкала
еси и от жажды палима была еси, / обаче иго Христова благое
дobre понеси, / велиих дарований от Господа сподобилася
еси, // Егже моли просветити и спасти души наша.

Стих: Праведницы во веки живут, / и в Господе мзда их.

Поревновавши древних отцев житию, / в пустынях и
горах подвизавшихся, / Господа ради плоть свою духови
покорила еси, / матери преподобная, / искушения же многа
претерпевши, // многим искушаемым ныне помогаеши.

**Стих: Надеющиеся Нань разумуют истину, / и вернии в
любви пребудут Ему.**

Все желание свое ко Спасу Христу вперила еси /
богомудрая Екатерино, / и пустынное житие миру предпочла
еси, / на вся видимая аки на прах взирала еси, / и ныне
предстоиши в радости, всех Владыце, / с лики безплотных на
небеси, // Егже со дерзновением моли спастися душам
нашим.

Слава, глас тойже:

Ныне празднoлюбцы составляют собори, / Екатерино
досточудная, / почитающе веру твою и любве пламень
огненный, / и прославляюще подвиги и борения твоя, / яже

претерпела еси на земли, да Христа приобретаеши, // Ему же молися о чтущих любовью память твою.

И ныне, праздника, или Богородичен, глас той же:

**Богородице, Ты еси лоза истинная, / возрастившая нам
Плод Живота: / Тебе молимся, молися, Владычице, / со
святыми апостолы, // помилovati души наша.**

Тропарь, глас 4:

**Христа паче всех благ возлюбивши, / тесным путем Тому
последовала еси, / гордость житейскую и разум в юродстве
отвергнувши, / ум свой Господу отдала еси, / сего ради стяжала
еси сердце широкое, / любовь богатое, / блаженная
Екатерино Пюхтицкая, / моли Христа Бога, // спаси души
нашим.**

Ин тропарь, глас 2:

**Вся красная мира сего презрела еси, / юродство Христа
ради на ся восприяла еси, / блаженная матери Екатерино, / сего
ради с мудрыми девами / в небесный чертог Жениха Христа
возшла еси, / молящихся о всех нас.**

Слава, ныне, праздника, или Богородичен:

НА УТРЕНИ

**На Бог Господь: тропарь праздника, дважды. Слава,
святых. И ныне, праздника.**

Аще кроме праздника, тропарь святых, дважды.

Слава и ныне, Богородичен.

По 1-м стихословии седален, глас 3:

**Ныне радуется душа твоя, преподобная матери Екатерино:
от юности бо Христу последующи, сосуд чистен явилася еси**

и дѡброе течѣние скончавши, плѡд сторичный Бѡгу принесла еси, Егѡже непрестанно моли, спастися душам нашим.

Слава, и ныне, праздника, или Богородичен:

Недомысленно и непостижимо есть, Владычице Богорадованная, еже соделанное о Тебе страшное Божие таинство, яко Необыменнаго зачѣнши, родила еси, плотию обложена от Пречистых Кровей Твоих. Егѡже, Благодатная, яко Сына Твоего и Бѡга, моли спастися душам нашим.

По 2-м стихословии седален, глас 5:

Ума чистоту стяжавши, Духа Святаго жилище была еси, благодать изобильно приявши, вопрошавших тя, богомудренно наставляла еси. Престолу Божию ныне дерзновенно предстоящи, не престаи молѣния приносити о чтущих любовью память твою.

Слава, и ныне, праздника, или Богородичен:

Молитвы рабы Твоей Екатерины блаженныя прими, Богородице, и избави нас от всяких бед, яко родила еси Христа Спаса Избавителя душ наших.

Величание:

Величаем тя, / святая блаженная мати наша Екатерино, / и чтим святую память твою, / ты бо молиши за нас // Христа Бѡга нашего.

Псалом избранный: Терпя, потерпѣх Господа, и внят ми и услыша молитву мою.

По полиелѣи седален, глас 4:

Любовию притекающе к раце честныхъ мощей твоихъ, Екатерино всеблаженная, благодать обильну приемлем: прикосновениемъ бо болящия врачуети, теплымъ представительствомъ твоимъ, спасаеши души наша.

Сла́ва, и ны́не, пра́здника, и́ли Богоро́дичен:

Обурева́ют мя во́лны грехо́вныя и возмуще́ние безме́стных помышле́ний, умилосе́рдися, Всенепоро́чная, и ру́ку ми по́мощи, я́ко Ми́лостива, простри́, да спаса́емый, велича́ю Тя.

Та́же степе́нна, 1-й антифо́н 4-го гласа.

Прокі́мен, глас 4: Праведницы во ве́ки живу́т, / и в Го́споде мзда их.

Стих: Наде́ющиеся Нань разуме́ют и́стину, и ве́рнии в любви́ пребу́дут Ему́. Вся́кое дыха́ние:

Ева́нгелие от Матфе́я, зачало 43.

По 50-м псалме́ стихира, глас 6:

Восси́я дне́сь пресве́тлая па́мь тво́я, / Екате́рино блаже́нная, / озаря́я приходя́щая к тебе ве́рныя. / Те́мже мо́лим тя / све́том невече́рним и на́с просвети́, // почита́ющия любóвию всечестну́ю па́мь твою́.

Кано́н пра́здника и́ли Богоро́дицы на 6 и святы́я на 8.

Кано́н святы́я, глас 4.

Песнь 1

Ирмо́с: *Моря́ Чермну́ю пучи́ну, / невла́жными стопа́ми, / дре́вний пешешествовав Изра́иль, / крестообра́зными Моисе́овыма рука́ма, // Амалікову си́лу в пусты́ни победи́л ест.*

Всеми́лостиве Го́споди, да́ждь ми́ мы́сль бла́гу да возмогу́ пёснь соста́вити и возвели́чити уго́дницу Твою́ блаже́нную ма́терь на́шу Екате́рину богому́друю.

Из благочестіваго ко́рене произрасла́ еси́ и я́ко сосу́д избра́нный Ду́ха Свята́го, плод стори́чный Бо́гу принесла́ еси́, Екате́рино богоблаже́нная.

Сла́ва: Моли́твами тво́ими, всехва́льная ма́ти, умири́ на́ша сердца́ и сподо́би благоче́стно воспéти мно́гая по́двиги, боро́ения и чуде́са тво́я.

И ны́не: Кра́сную и Избра́нную и Всечестну́ю разуме́в Тя Сын Бо́жий, Пренепоро́чная, Сын Твой бы́сть: сыны сотвори́ благода́тию Богоро́дице, чту́щия Тя.

Песнь 3

Ирмо́с: *Веселится о Тебё / Цёрковь Тво́я, Христё, зову́щи: / Ты мо́я кре́пость, Го́споди, // и прибе́жище, и утвержде́ние.*

Измла́да лет тво́их, се́рдце ми́лостивое иму́щи, лю́дям и вся́кому творéнию Бо́жью сострада́ла еси́, те́мже и да́р утешéния в жити́и стяжа́ла еси́ ма́ти преподо́бная.

Бо́гу прилепля́тися, в хра́мы и оби́тели ино́ческия поспеша́ти изде́тска вожде́ла еси́, та́ко и ны́не на́с в приста́нище спаси́тельное моли́твами тво́ими упра́ви.

Сла́ва: В годи́ну мяте́жа и нестро́ений, яко сестра́ милосе́рдия, ратником ра́ны врачевала еси́, те́м и на́с служи́ти сущим в беда́х наставля́еши, Екатери́но прехва́льная.

И ны́не: Избавля́ющаго челове́ки преслуша́ния лю́таго паде́ния, Все́му Вино́внаго Чистая и Всенепоро́чная, родила́ еси́.

Конда́к пра́здника, и йкос

Седáлен, глас 4:

Боже́ственным желáнием к го́рнему воспаря́я, Христу́ те́сным путём последовала еси́: болéзни, труды́, моли́твы непреста́нныя, и воздержáние зéльное возлюбивши, áки безплóтна на земл́и пожи́ла еси́ ма́ти блаже́нная Екатери́но, моли́ Христа́ Бо́га да спасёт ду́ши на́ша.

Сла́ва, и ны́не, пра́здника, или́ Богоро́дичен:

Херув́имов и Сераф́имов превы́шши еси, Богоро́дице. небесе́ же и земли́ пространнейши, ви́димыя тва́ри и неви́димыя яви́лася еси преим́щи несосúдным сосужде́нием: Егóже бо пространств́я небеса́ не вмеща́ют, в Твое́й утробе́ вмест́ила еси, Ч́истая: Егóже моли́ спаст́ся рабо́м Тво́им.

Песнь 4

Ирмо́с: *Вознесе́на Тя ви́девши Це́рковь на Кресте́, / Со́лнце Пра́ведное, / ста в ч́ине сво́ем, / досто́йно взыва́ющи: // сла́ва си́ле Твое́й, Го́споди.*

М́ира вознелеви́девши, Христа́ же возлюб́ивши, в скит Гефсимáнский всели́лася еси́, твёрдое послуша́ние к богому́дрой ста́рице Еле́не яви́вши, мно́гих дарова́ний от Бо́га сподо́билася еси́.

Не дала́ еси́ сна́ дово́льна очесе́м тво́им, не возлегла́ еси́ на о́др во еже вдо́сталь почи́ти, ревну́ючи подвиго́м Иоáнна, святите́ля Шанха́йского, тебе́ единовременна́.

Сла́ва: **Богáтство м́ира тлénного отр́инувши, я́ко страна́ница на земли́ пребыва́ла еси́, не иму́щи кели́и, гд́е главу́ подклон́ити, Христу́ Спа́су подóблящися.**

И ны́не: **Седя́й на престóле превознесе́нне херув́имстем, я́ко Престóл Тя имéя Мари́е Богоневéсто, на рука́х Тво́их почи́, Препросла́вленный Бо́г наш.**

Песнь 5

Ирмо́с: *Ты Го́споди мой, Свёт, / в ми́р пришёл еси́, Свёт Святы́й, / обраща́й из мра́чна неведéния // véрою воспевáющая Тя́.*

Силою Божественною дýшу просветíвши, ум свóй Гóсподу отдалá есí сего́ ра́ди сёрдце ширóкое, мíлюющее стяжáла есí, Екате́рино богому́драя.

В чащóбу лесну́ю мно́гажды удаля́ющися уединéния и моли́твы ра́ди, благода́ть преизобíльну стяжáла есí. Сего́ ра́ди по́мощь божéственную лю́дям и Цёркви в годíну лихолéтий испросíла есí.

Сла́ва: **И**спове́дуем дíвное заступлéние твоё, всехва́льная ма́ти, егда́ обíтель сию́ в бедé и бра́ни от безбо́жных сýщей, моли́твою непреста́нною и зéльным пощёнием от закрь́тия сохрани́ла есí.

И ны́не: Рече́ние преста́ тлénное, Де́ва бо нетлénно роди́ Бо́га Сло́ва, па́че естества́ и сло́ва Де́ва пребывáет.

Песнь 6

Ирмо́с: *Пожру́ Ти со гла́сом хвалéния Гóсподи, / Цёрковь вопиéт Ти, / от бесóвския кро́ве очíщишися, / ра́ди мíлости от ре́бр Твои́х // истéкшею Кро́вию.*

Поспешáть ко стра́ждущим на по́мощь во всём жити́и твоём навíкла есí, ма́ти Екате́рино, поспешí и ны́не в по́мощь на́м, омрачённым лю́тыми страстьми́.

С высоты́ спáдшу óтроку и едвá живу́ сýщу, яв́илася есí здра́вия ходáтаице, всеблаже́нная, скóрбь на ра́дость приложíвши, призывáющей тя́ в по́мощь ма́тери отроча́ти.

Сла́ва: **У**м тво́й вéсь к Бо́гу вперён простира́я, в словесéх ева́нгельских дéнь и но́щь поучáлася есí, сего́ ра́ди твои́ми мольба́ми, от душе́вных и телесных сквёрн очища́еши с верою́ к тебе́ притека́ющия.

И ныне: Усты и помыслы и сердцем, Пресвятая Богородице, Тя проповедуем: Тобою Богу примиримся, отиновеннии преступлением первее праотца.

Кондак, глас 3:

Днесь светло ликует обитель Пюхтицкая, / яко явися в ней подвижница благочестия, / и множество притекающих обретают утешение, / на твое предстательство надеющиеся, / Екатерино блаженная, // ты бо еси обители нашей похвало и утверждение.

Икос:

Кто возможет повести равноангельное житие твое, подвиги, труды и преславная чудеса? Аще убо мнози премудрии не дерзуют возглаголати многого твоего терпения, смирения и теплыя ко Христу любви, обаче на твое милосердие надеющиеся, матери блаженная, вопием ти: Радуйся, звездо пресветлая, в земли Эстонстей возсиявшая; / радуйся, жизнь равноангельную на земли пожившая. / Радуйся, под видом юродства благодать в тебе почивающую сокрывшая; / радуйся, яко твоим смирением вражии козни присно побеждаеши. / Радуйся, яко дар от Бога зрети будущая яко настоящая приявшая; / радуйся, яко двема иерархом Российским высокое Патриаршее служение предсказавшая. / Радуйся, яко сподобилася еси от Бога дара чудотворений; / радуйся всем сущим в бедах и напастех скорое утешение. // Радуйся, святая блаженная матери Екатерино, обители нашей похвало и утверждение.

Песнь 7

Ирмос: *В пещи Авраамстии отроцы персидстей, / любовью благочестия паче, / нежели пламенем опаляеми, взываху: // благословен еси в храме славы Твоея, Господи.*

Небѣсное жительство стяжавши, блаженная мѣти, дерзновенно рекла еси, яко и пришла в монастырь во еже стати преподобной, Бѣгу непрестанно взывающи: благословен еси, Царю славы небесныя, Господи.

Молитвы, слезы и воздыханія, яко жертву чисту совершѣнну Христу принесла еси, тѣмже ныне, мѣти блаженная Екатерино, Тому взываеши: благословен еси, Слове Бѣжий, долготерпеливе Господи.

Слава: Обитель Пюхтицкая и вся земля Эстонская днесь радостно ликуют, благодать от мощей твоих приемлюще и дивному во Святых Своих Бѣгу взывюще: благословен еси прославляяй святыя, Господи.

И ныне: Вѣшняго освященное Божественное селение, радуйся: Тобою бо дадеся радость, Богородице зовущим: благословена Ты в женах еси Всенепорочная Владычице.

Песнь 8

Ирмос: *Руце распростер Даниил, / львов зияния в рове затче, / огненную же силу угасиша, / добродетелию препоясавшися, / благочестия рачителіе отроцы, взывюще: // благословите вся дела Господня Господа.*

Бѣга прославила еси, блаженная Екатерино, житиѣм твоим, и яко чистая сердцем всегда зриши Бѣга: с лики Невѣст Христовых взывощи: благословите вся дела Господня Господа.

Широкій путь презрела еси суровым житиѣм благодать Божественную стяжала еси, мѣти преподобная, и отгониши недуги вопиющим: благословите вся дела Господня Господа.

Благословим Отца и Сына и Святаго Духа Господа: Сердце твое распространися ко всемъ любовью молящимся,

почита́ющим по́двиги многотру́днаго жити́я твоего́, и Христу́ зову́щим: благослови́те вся́ дела́ Господня́ Го́спода.

И ны́не: Избавля́й нас возсия́ из Тебе́ Госпо́дь, Де́во Чи́стая, Егóже моли́ Влады́чице, просвети́ти пою́щия Тя́, и обстоя́ния нас изба́вити вопи́ющих: благослови́те вся́ дела́ Господня́ Го́спода.

Песнь 9

Ирмо́с: *Ка́мень нерукосе́чный, / от несекóмыя горы́, Тебе́ Де́во, / краеуго́льный отсече́ся, Христо́с, / совокупи́вый разстоя́щаяся естества́. / Те́м веселя́щися, // Тя́ Богоро́дице, велича́ем.*

Содéяв ду́шу твою́ храм Ду́ха Свята́го, богоблаже́нная ма́ти, наслéднице Го́рняго Иерусали́ма яви́лася еси́, и да́р от Бо́га зна́мения и чудеса́ содева́ти прия́ла еси́.

Честна́я ра́ка святы́х мощей́ твои́х, ма́ти преподо́бная, богáтно источáет исцелéния приходя́щим с véрою и любóвию те́мже в со́нме уго́дников Бо́жиих тя ублажа́ем.

Сла́ва: Чистото́ю и смире́нием Бо́га в се́рдце стяжа́вши, Екате́рино́ всехва́льная, те́мже и Пречи́стую Богома́терь лицезре́ти на святе́м исто́чнице, но́щию мно́гажды сподо́билася еси́.

И ны́не: Спаси́ мя ро́ждшая все́х Изба́вителя и Благоде́теля, разори́ души́ моея́ о́блаки, Све́та о́блаче Свята́я Влады́чице, и си́льна соде́лай на стра́сти борю́щия мя́.

Свети́лен:

Я́ко заря́ у́тренняя возсия́ ны́не, блаже́нная ма́ти Екате́рино́, светоза́рная па́мь тво́я, Христу́ бо над все́ми Бо́гу на́шему святы́м жити́ем благоугоди́ла еси́: Егóже ны́не моли́ о нас, раба́х твои́х, во éже све́том невече́рним просвети́тися нам.

Сла́ва, и ны́не, пра́здника, или́ Богоро́дичен:

**Держа́вным Твои́м Покро́вом, Пречи́стая, / нас, рабо́в
Твои́х, / от наве́тов вра́жиих сохра́няй всегда́ невреди́мых, //
Тя бо Еди́ну стяжа́хом наде́жду и утвержде́ние.**

На хвали́тех: стихи́ры пра́здника 3 и святы́я 3.

А́ще кроме́ пра́здника, стихи́ры святы́я на 4.

Стихи́ры святы́я, глас 2.

Подобен: Егда́ от Дре́ва:

**Возсия́ днесь па́мять тво́я, пресве́тлая и
всепра́зднственная, / ма́ти всеблаже́нная Екате́рино, /
оби́тели Пю́хтицкия украше́ние, / с тобо́ю же лик ра́дуется
мона́шествующих / и лику́ет преподо́бных собо́р и
пра́ведных и юро́дивых сосло́вие, / с ни́ми бо досто́йно
прия́ла еси́ // сла́ву ве́чную от Христа́ Бо́га.**

**Богоблаже́нная и богому́драя Екате́рино, / благода́ти
сосу́де избра́нный, / добродете́лей честны́й до́ме, / от ю́ности
Го́споду послéдующи, / до́бре течéние сконча́ла еси́. / Те́мже
и прия́ла еси́ венéц пра́вды / от Христа́ Бо́га на́шего, // Егóже
непреста́нно моли́ спасты́ся душа́м на́шим.**

**Богому́драя наста́вница к Ца́рствию Бо́жию, / была́ еси́
ма́ти преподо́бная, / не то́кмо бо ино́чествующия се́стры
тво́я, / но и вси к тебе́ приходи́щи с ве́рою, / а́ки от чи́ста
исто́чника / почерпа́ху свято́е уче́ние от тебе́, богому́драя //
ра́зум бо духо́вен стяжа́ла еси́.**

Сла́ва, глас 8:

**О, преблаже́нная ма́ти Екате́рино, / предстоя́щи ны́не
Престо́лу всех Царя́ / и веселя́щися с ли́ки небесны́ми в
ве́чном Ца́рствии, / ра́цей же моще́й твои́х пред очы́ма
на́шими пребыва́еши, / не забу́ди и нас, ча́д твои́х, / ты бо**

навы́кла еси́ во всем жити́и твоём / стра́ждущим и немощны́м помогáти; / сегó рáди Гóсподом возлю́блена была́ еси́, / Егóже со дерзновéнием моли́ мир мíрови даровáти // и душáм нáшим вéлию мýлость.

И ны́не, прáздника, или́ Богорóдичен, глас тойже:

Влады́чице, приими́ моли́твы раб Твои́х /, и избáви нас // от всякия нýжды и печáли.

Славослóвие вели́кое.

На 1-м часé тропáрь прáздника. Сла́ва, святы́я.

НА ЛИТУРГИИ

Слúжба прáздника и святы́я.

Прокýмен святы́я, глас 4: Дíвен Бог во святы́х свои́х, / Бог Изра́илев. Стих: В цéрквах благослови́те Бóга, Гóспода от исто́чник Изра́илевых.

Апóстол к Галáтом, зачáло 208.

Аллилу́я, глас 6: Терпя́ потерпéх Гóспода, и внят ми и услýша моли́тву мою́. Стих: Мнóги скóрби прáведным, и от всех избáвит я Госпóдь.

Евáнгелие от Матфе́я, зачáло 104.

Прича́стен: В пáмять вéчную бýдет прáведник:

МОЛÍТВА

ко святе́й блаже́нной Екатерíне Пю́хтицстей

О, святáя блаже́нная ма́ти Екатерíно! Душе́ю на Небеси́ Престо́лу Бóжию ны́не предстои́ши, да́нною ти свýше благода́тию, вся нáша нýжды и проше́ния зри́ши и мнóгая

чудеса́ источа́еши! Умоли́ Всеще́драго Бо́га на́шего, проще́ние нам во гресѣх дарова́ти, боля́щия исцеля́ти, печальны́я утеша́ти и вездѣ тёпле призыва́ющия тя и к ра́це честны́х и многоцеле́бных моще́й твои́х усер́дно припада́ющих и моля́щих ти́ ся́, от вся́ких напа́стей и бед моли́твами твои́ми избавля́ти. Ты, блаже́нная ма́ти, любóвию Христо́вою преиспо́лненная, во всем жити́и твоём, себѣ забыва́ющи, бли́жним послужи́ла еси́ и мно́гия ко Христу́ моли́твами твои́ми обрати́ла еси́. Преста́вленная от сегó вре́меннаго жити́я во ино́е, вѣчное, радуе́шися ны́не, уго́днице Бо́жия, в лице́ святы́х сла́вимая. Вѣмы, я́ко вѣлие дерзнове́ние има́ши ко Влады́це Христу́ и, е́лико а́ще испро́сиши от Него́, да́тся нам, я́ко ты не мертв́а еси́, но жив́а в Бо́зе. Вонми́ гласу́ моле́бному, тебѣ пред ра́цей священны́х моще́й твои́х, ны́не смире́нно возно́симо́му, укрепí нас малоду́шных в ве́ре, да понé отны́не, во обновле́нии ду́ха и в любви́ Бо́жией пребыва́ющи, Го́сподеви и бли́жним служа́ще, по отше́ствии из жити́я сегó, дости́гнем Ца́рствия Небе́снаго со все́ми угоди́вшими Бо́гу. **Ами́нь.**

Велича́ние:

Велича́ем тя, / святáя блаже́нная ма́ти на́ша Екате́рино, / и чтим святую́ па́мять твою́, / ты́ бо мо́лиши за нас // Христа́ Бо́га на́шего.